

INUIT ATAQATIGIIT

INATSISARTUNI



Nuuk 17.april 2024

Inatsisartut suleriaasianni § 37 imm. 1 naapertorlugu Naalakkersuisunut imaattunik apeqquteqarpunga:

- 1. Naalakkersuisut qaqugu eqqumiitsuliortunut pinngorartitsisunut ataqqinaatissiissuteqartalerlutillu ukiut tamaasa eqqumiitsuliortunik nersuiniartalernissaminnut naatsorsuuteqarpat?**
 - A. Qaqugu ataqqinaatissiissummik tunniussisoqassava? (Ukiuni qulini ataqqinaatissiissut – hæderydelse)**
 - B. Eqqumiitsuliortunik ukiut tamaasa nersornaasiisalernissaq qaqugu siullermeerneqassava?**

(Inatsisartuni ilaasortaq Peter Olsen, Inuit Ataqatigiit)

Tungavilersuut:

Naluneqanngitsutut upernaakkut 2023-mi inatsisartut ataatsimiinneranni imm. 118 inatsisartunit akuersissutigineqarpoq.

Tamannalu isumaqarpoq;

1. Eqqumiitsuliortut inuit sisamat toqqarneqassasut, inuillu taakku toqqarneqartut ukiuni qulini ukiumut 250.000,-nik ataqqinaatississutinik tunineqartalissasut aamma...
2. Ukiut tamaasa eqqumiitsuliortunik nersornaasiisoqartalissasoq.

Aningaasanut inatsimmi 2023-moortumi 500.000,- immikkoortinneqareerput, 2024-miillu ukiut tamaasa 1 mio.kr.-nik aningaasaliissuteqartoqartalissalluni.

Imm. 118 upernaakkut 2023-mi akuersissutigineqartoq qaqugu piviusunngortinneqassanersoq paaserusullugu matumuuna apeqquteqaateqarpunga

Taamatut tungavilersuuteqarlunga matumuuna apeqquteqaatiga ingerlateqqippara.

Kissaatigaaralu apeqqutima ullut qulit iluanni akineqassasoq.